

Emprender è cool

■ (cp) La schliaziun per che igl em- prender è cool è il portal d'internet www.cooler-lernen.ch per scolaras, scolaras, geniturs e scolasts. Cooler- lernen metta a disposiziun material per exercitar e sa profundar en la ma- teria da l'instrucziun. Els porschan pen- sums e lur schliaziuns sco era enconu- schientscha tar ils singuls temas dals dif- ferents roms.

Quel portal duai gidar ils geniturs dad exercitar cun lur uffants e sa preparar per clausuras. Als scolast vegn purschì ideas ed agids per disponer pensums interes- sants e bun preparads a lur scolaras.

Las suandantas sorts d'exercizi èn dis- poniblas: Dumonda e resposta, dictats, texts da largias, cruscheras, trenar voca- bulari, fepls da basa, ordinar, pensums interactivs etc.

Igl avantatg da cooler-lernen vers igl in- ternet «normal» è igl access direct tar pen- sums d'exercizi adattads. Uschia na ston ins betg pli filtrar il melliavel resultat da la maschina d'encurir. Quest è era stà la ra- schun principala da realisar quest project.

Tuts pensums, schliaziuns e fepls da basa san ins chargiar en format pdf. Ins sa stampar ils pensums per ils emprendi- ders. I dat la pussaivladad che be ils cre- schids san chargiar sin l'agen computer las schliaziuns per controllar las respostas dals uffants.

Cooler-lernen è in product da KUnet GmbH cun sedia (domicil) a Breil en Svizra. KUnet vul dir Kultur und Unter- richt im Netz. Il manader da fatschenta è igl impressari *Bernhard Heid* da Saar- land e *Jakob Cabernard* da Glion. Els la- vuran gia dapi onns en la branscha da svi- lup da software ed utilisaziun d'internet. Il biro sa chatta a Tusaun nua che dus re-

dactors, *Christian Egger* e *Margret Häu- sermann-Nicca*, èn responsabels. Daspe- ras lavuran ca. 40 auturs per ils pensums, schliaziuns e fepls da basa, scolasts qua- lifitgads, en Svizra e Germania.

Tar ils temas d'evaluaziun da products e svilup da products metta la KUnet GmbH gronda valeta sin l'expertisa dad instituziuns da num. Uschia ha l'institut d'educaziun e scolaziun per uffants e giu- venils a la universitad da Koblenz-Land- au evaluà ils pensums. Ils resultats posi- tivs èn avant maun dapi il mars 2005.

Ils cuntegns dals pensums èn cumpa- tibels cun ils plans e meds d'instrucziun dals singuls stadis federals da la Germa- nia sco era da la Svizra tudestga e ru- mantscha. La pagina d'internet www.cooler-lernen.ch è en construcziun e tut- tavia betg cumpletta.

Els porschan momentan material per ils roms tudestg, matematica, geometria ed istorgia per la 5. e 6. classa primara dal chantun Grischun.

La finamira da quel project è da met- ter a disposiziun material adequat per tuttas classas e fuormas da scola en Sviz- ra tudestga e rumantscha.

En futur dat KUnet la pussaivladad da communitgar en ina stanza da classa virtuala u porscher la comunicaziun tranter scolasts, geniturs e scolaras.

Ins sa registrar independentamain sin la pagina www.cooler-lernen.ch. La pa- rola (Passwort) survegn l'utilisader auto- maticamain per e-mail. Questa offerta è il mument gratuita ed ins sa examinar el- la cumpletamain senza obligaziun.

Suenter la fasa da construcziun vegn quintà cun ina taxa mainsila da 15 francs per famiglia (dependa betg cons uffants che la famiglia ha).

The screenshot shows the 'cooler lernen' website interface. At the top, there is a navigation bar with 'Home', 'Kontakt', 'Hilfe', 'Profil', and 'Logout'. Below this is a search area with various filters: 'Land', 'Ländchen', 'Bundesland', 'Glaubensdenkmal', 'Schulform', 'Mittelschule', and 'Klassenstufe'. There are also search criteria like 'Aufgabentyp' and 'Mittelschule Aufgabe'. A search button 'Suche' is visible. Below the search area, there is a list of search results for 'Gefundene Aufgaben: 52'. The list includes tasks such as 'Bruchrechnen - Einfache Rechnungen: Brüche mit Größen' and 'Bruchrechnen - Einfache Rechnungen: Brüche vergleichen', each with a reference number like 'Mat 05 43 420'. The interface is in German.

La schliaziun per che l'emprender è cool è il portal d'internet www.cooler-lernen.ch per scolaras, scolaras, geniturs e scolasts.